



Rě yīnga, m ka na n kō yāmb kibare, ne būmb ning Wěnd sēn yēesd zūnuub-rāmb ne-a, la A zēkd dargε-rāmb ne-a?

Yii Abu Hurayrat nengě (Wěnd yard be a yīnga) tı Wěnd Tēn-tuuma (Wěnd puusg la A tıgr be a yīnga) a yeelame: «Rě yīnga, m ka na n kō yāmb kibare, ne būmb ning Wěnd sēn yēesd zūnuub-rāmb ne-a, la A zēkd dargε-rāmb ne-a?» La b yeele: N-yee, Wěnd Tēn-tuuma, la a yeele: «yaa koom yōk tı ta ne sēn ka noomā fāa, la na-tagdı wusgo n tug miisā wā, la kolled Puusgo, Puusg loogr poorě, ad yaa yě bal la Ar-rıbaate (kor n gıd bεεba)».

[Naşun Şahuhun (Gom-sikdem sēn manege)] [A Muslim n togs-a]

Nabiyaamā (Wěnd puusg la A tıgr be a yīnga) soka a Şahaabsā, rě yīnga b ratame t'a tees-b tuuma tı yt sabab n yaaf b zūnuubā, la yēes (zūnuub-rāmbā) malegsā sēn da gulse, la zēk b dargε-rāmbā arzānā pugě? Tı Şahaabsā yeele: N-yee, d rata rēnda, t'a yeele: Rēnem: yaa fo gūbg koomā yōgb la f pıds-a baa tı musak sā n be beeně, wala waodo, la koom kaalem, la yīn-zabre, la ko-tuulga. Yiib soaba: yaa no-tagma wusgre -yě me la būmb ning sēn be nao-tagdı wā suka- n tug miisā, zakā sēn zār yīnga, la yılgřā wusgre. Tāab soaba: yaa Puusgā wakat kollego la sūurā sēn na n yag ne-a la saglg a yīngā la zīnd a yīngā miisrē wā la zāma pugě, rēnd a sā n puuse, a zīndida a Puusgā zīigě n koll Puusg a to. Rě poorě tı Nabiyaamā (Wěnd puusg la A tıgr be a yīnga) vēneg tı yel-kāngā, ad yaa yēnda la gıd bεεbā todsē wā hakıka, bala a pagda suttāan soya yōorā zugu la a modgd yōor yamleogo, la a gıdgd-a n yi yuus-yuusā reegre, t'a tōog n will ne a zāmā wā a suttāan tāpā, la rēnda gıhaadı kāsengā, rě n kıt tı yaa wala Rıbaat (koll n gıd bεεbā todse).

<https://sunnah.global/hadeeth/mos/show/3574>

